

Broj: 01-4580-9/25

Dana: 25.06.2025. godine

Na osnovu člana 31. Statuta Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14, 59/22 i 50/24), donosim sljedeću

ODLUKU O IZBORU NAJPOVOLJNIJE PONUDE

(u dijelu za lot 6: Koronarni stent Co-Cr s lijekom sirolimus, s otpuštanjem lijeka direktno na arterijski zid iz abluminalnog žlijeba)

I

Na osnovu Prijedloga Komisije za provođenje otvorenog postupka s međunarodnom objavom, koji je objavljen na Portalu javnih nabavki broj: 1255-1-1-159-3-177/25 od 08.04.2025. godine, donio sam odluku da se kao najpovoljnija ponuda u postupku nabavke koronarnih stentova za potrebe Sale za kateterizaciju srca u Klinici za kardiologiju Univerzitetskog kliničkog centra Republike Srpske, u dijelu za lot 6, izabere ponuda ponuđača kako slijedi:

Broj lota	NAZIV LOTA	Izabrani ponuđač
6.	Koronarni stent Co-Cr s lijekom sirolimus, s otpuštanjem lijeka direktno na arterijski zid iz abluminalnog žlijeba	„EMGEN“ d.o.o. Sarajevo, ul. Patriotske lige do broja 48

II

Ovom Odlukom stavlja se van snage Odluka o izboru najpovoljnijih ponuda br: 01-4580-5/25 od 16.06.2025. godine (u dijelu koji se odnosi na lot 6).

III

Za sprovođenje ove Odluke zadužuje se Služba za javne nabavke i praćenje realizacije ugovora.

O izvršenju ove Odluke odgovorna lica su obavezna da redovno informišu generalnog direktora.

Obrazloženje:

Na osnovu provedenog prvobitnog postupka, pregleda i ocjene ponuda, utvrđeno je da je, po objavljenom otvorenom postupku s međunarodnom objavom za nabavku koronarnih stentova za potrebe Sale za kateterizaciju srca u Klinici za kardiologiju Univerzitetskog kliničkog centra Republike Srpske, ponuđač „Rauche Medical“ d.o.o. Mostar, ul. Kralja Petra Krešimira IV (SPC RONDO) Lam 2a, dostavio najpovoljniju ponudu u dijelu koji se odnosi na lot 6, te je Odlukom o izboru najpovoljnijih ponuda br: 01-4580-5/25 od 16.06.2025. godine izabran kao najpovoljniji za navedeni lot.

Nakon dostavljanja Odluke o izboru najpovoljnijih ponuda br: 01-4580-5/25 od 16.06.2025. godine svim ponuđačima, tj. učesnicima u predmetnom postupku nabavke, ponuđač „Emgen“ d.o.o. Sarajevo je zatražio uvid u ponudu ponuđača „Rauche Medical“ d.o.o. Mostar, u dijelu za lot 6. Ugovorni organ je postupio u skladu sa traženim Zahtjevom, te omogućio firmi „Emgen“ d.o.o. Sarajevo da izvrši uvid u traženu ponudu dana 24.06.2025. godine.

Istog dana Ugovorni organ zaprima mejl, upućen od strane ovlaštenog zastupnika kompanije „Shanghai Microport Medical“ za tržište Bosne i Hercegovine – „Marlo Medic“ d.o.o. Laktaši (navedeni zastupnik je ustupio važeće Rješenje o upisu medicinskog sredstva u registar ALMBIH, drugorangiranom ponuđaču „Emgen“ d.o.o. Sarajevo).

Navedenim mejlom „Marlo Medic“ d.o.o. Laktaši obavještava Ugovorni organ da je od 2025. godine preuzeo zastupništvo kompanije Shanghai MicroPort Medical (Group) Co., Ltd/Kina za tržište BiH, te navodi da izabrani ponuđač nije mogao ponuditi navedeni proizvod jer nije imao odobrenje ni od strane proizvođača, ni od ovlaštenog zastupnika.

Kao prilog tome, dostavio je dokumente kojim potvrđuje da prvobitno izabrani ponuđač ne posjeduje validno Rješenje o upisu u Registar medicinskih sredstava BiH (u prilogu).

Imajući u vidu naprijed navedeno, Komisija je izvršila ponovni pregled svih blagovremeno pristiglih ponuda u dijelu za lot 6, te cijeneći činjenično stanje u postupku nabavke i nova saznanja iz postupka, ustanovila da za ponuđeni lot jedino ponuđač „Emgen“ d.o.o. Sarajevo ima validnu registraciju medicinskog sredstva kod Agencije za lijekove i medicinska sredstva BiH.

Nakon ponovnog postupka pregleda i ocjene ponuda, utvrđeno je da je ponuda naprijed navedenog ponuđača za lot 6 prihvatljiva i sačinjena u skladu sa uslovima iz tenderske dokumentacije i na osnovu utvrđenog kriterijuma – ekonomski najpovoljnija ponuda na bazi podkriterija (cijena – učešće 80% i rok isporuke – učešće 20%), ocijenjena kao najpovoljnija od ukupno dvije pristigle ponude za postupak nabavke koronarnih stentova za potrebe Sale za kateterizaciju srca u Klinici za kardiologiju Univerzitetskog kliničkog centra Republike Srpske, putem otvorenog postupka s međunarodnom objavom, u dijelu za lot 6, te je odlučeno kao u dispozitivu Odluke.

Detaljno obrazloženje sa analizom i ocjenom pristiglih ponuda nalazi se u Zapisniku o pregledu i ocjeni ponuda s prilogom, koji vam dostavljamo u prilogu ove Odluke i čini njen sastavni dio.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili mu je mogla da bude u konkretnom postupku javne nabavke prouzrokovana šteta zbog nezakonitog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se izjavljuje URŽ-u putem ugovornog organa, u pisanoj formi u roku od **deset** dana od prijema pisane Odluke o izboru najpovoljnije ponude na način predviđen članom 99. i sa sadržajem predviđenim članom 105. Zakona o javnim nabavkama BiH (“Službeni glasnik BiH”, broj: 39/14, 59/22 i 50/24).

Žalba uložena u prethodno navedenom roku spriječava ugovorni organ da zaključi ugovor o nabavci robe s najpovoljnijim ponuđačem.

DOSTAVLJENO:

1. Svim učesnicima
2. Sl. za javne nabavke i praćenje realizacije ugovora
3. Arhiva

GENERALNI DIREKTOR,
Prof. dr sc. med. Vlado Đajić

